

სახელმწიფო შესყიდვის შესახებ ხელშეკრულება № ____
(კლასიფიკატორის კოდი CPV-33700000)

ქ. ბათუმი,

ერთის მხრივ ა(ა)იპ-„**ბათუმის ბოტანიკური ბაღი**“ (ს/კ245615963) (შემდგომში „შემსყიდველი“) წარმოდგენილი მისი დირექტორის **ირაკლი არჩაიას** სახით და მეორეს მხრივ, ელექტრონული ტენდერის (აუქციონის გარეშე - _____) საშუალებით, ბათუმის ბოტანიკური ბაღისთვის პირადი ჰიგიენის საშუალებების ტუალეტის ქაღალდის, ქაღალდის ხელსახოცის და თხევადი საპონის შესყიდვასთან დაკავშირებით გამარჯვებული **შპს _____** (ს/კ _____) (შემდგომში „მიმწოდებელი“), წარმოდგენილი მისი დირექტორის _____ (პ/ნ _____) სახით, საქართველოს კანონის მე-7 მუხლის 1-ლი პუნქტის „ა“ ქვეპუნქტის საფუძველზე, დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. „საქონელი“-ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური პირობები“ - სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

მუხლი 2. ხელშეკრულების საგანი

- 2.1. ხელშეკრულების საგანს წარმოადგენს შემსყიდველისთვის პირადი ჰიგიენის საშუალებების ტუალეტის ქაღალდის, ქაღალდის ხელსახოცის და თხევადი საპონის, მიწოდება - შემდგომში „საქონელი“;
- 2.2. ტექნიკური დავალება:
 - 2.2.1. მიმწოდებელმა უნდა განახორციელოს შემსყიდველთან შეთანხმების საფუძველზე დისპენსერების მოწოდება და მონტაჟი ხელშეკრულების გაფორმებიდან არაუგვიანეს 10 (ათი) კალენდარული დღის განმავლობაში, შემდეგი რაოდენობებით:
 - ტუალეტის ქაღალდის მექანიკური დისპენსერი - 30 (ოცდაათი) ცალი (თანამედროვე დიზაინის, მარტივი, გამძლე და გამართული მექანიზმის გამძლე მასალის);
 - ხელსახოცების ლაზერული დისპენსერი - 20 (ოცი) ცალი (კვების წყარო - ელ. ენერგია, თანამედროვე დიზაინის, მარტივი, გამძლე და გამართული მექანიზმის, გამძლე მასალის).
 - 2.2.1. მოწოდებული დისპენსერების დემონტაჟი შესაძლებელია 2025 წლის 01 მარტიდან 2025 წლის 31 მარტამდე შემსყიდველთან შეთანხმების საფუძველზე.
- შენიშვნა: დისპენსერის დაზიანების შემთხვევაში, ხელშეკრულების მოქმედების პერიოდის განმავლობაში, მიმწოდებელი ვალდებულია 5 (ხუთი) სამუშაო დღის განმავლობაში შეაკეთოს ან შეცვალოს დისპენსერი ახლით.

მუხლი 3. ხელშეკრულების ფასი

- 3.1. წინამდებარე ხელშეკრულებით გათვალისწინებული საქონლის საერთო ღირებულება შეადგენს _____ (_____) ლარს (**დღგ-ს ჩათვლით**), მისი დაფინანსების წყაროა **არასაბიუჯეტო (საკუთარი) 2024 წლის სახსრები** (შემდგომში „ხელშეკრულების ფასი“).
- 3.2. ხელშეკრულების ფასი მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს, რაზედაც პასუხისმგებელია მიმწოდებელი.

მუხლი 4. ხელშეკრულების შემადგენლობა

- 4.1. წინამდებარე ხელშეკრულებას ქმნიან და ხელშეკრულების განუყოფელ ნაწილს წარმოადგენენ შემდეგი დოკუმენტები:
 - ა) ფასების ცხრილი (დანართი N1);

მუხლი 5. ხელშეკრულების შესრულების კონტროლი

- 5.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

5.2. ხელშეკრულების შესრულების კონტროლს (ინსპექტირებას) ახორციელებენ ა(ა)იპ-„ბათუმის ბოტანიკური ბაღი“-ს მებაღეობის განყოფილების უფროსი (ან/და მოვალეობის შემსრულებლის) ან/და დირექტორის (ან/და მოვალეობის შემსრულებლის) ბრძანებით განსაზღვრული მოვალეობის შემსრულებელი პირი ან/და ამ საქმიანობისათვის საჭირო მოწვეული სპეციალისტი (სპეციალისტთა ჯგუფი).

5.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 6. შესყიდვის ობიექტის მიღება-ჩაბარების წესი

6.1. საქონელი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

6.2. შემსყიდველი იტოვებს უფლებას, იმ შემთხვევაში თუ მიმწოდებელი მიაწვდის დაბალი ხარისხის პროდუქციას, არ გააფორმოს მიღება - ჩაბარების აქტი და მოსთხოვოს წუნდებული საქონლის ახლით შეცვლა.

6.3. საქონლის მიღების შემდეგ ან/და საბოლოო შემოწმების შედეგად გამოვლენილი ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6.4. შემსყიდველი ვალდებულია აცნობოს მიმწოდებელს საბოლოო შემოწმების შედეგები დაწუნებული საქონლის შესახებ წუნდების მიზეზის მითითებით.

6.5. შემსყიდველის მხრიდან მიღება-ჩაბარების აქტის ხელმოწერი პირია ა(ა)იპ-„ბათუმის ბოტანიკური ბაღი“-ს მებაღეობის განყოფილების უფროსი (ან/და მოვალეობის შემსრულებლის) ან/და დირექტორის (ან/და მოვალეობის შემსრულებლის) ბრძანებით განსაზღვრული მოვალეობის შემსრულებელი პირი.

მუხლი 7. ანგარიშსწორების ფორმა და წესი

7.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში;

7.2. წინასწარი ანგარიშსწორება (ავანსი) არ გამოიყენება;

7.3. ანგარიშსწორება მიმწოდებელთან განხორციელდება საქონლის მიწოდების, მიღება-ჩაბარების აქტის გაფორმების და საგადახდო ანგარიშ-ფაქტურის წარმოდგენის შემდეგ 10 (ათი) სამუშაო დღის განმავლობაში და მიმწოდებლის მხრიდან პირგასამტეხლოს ჩარიცხვის შემდეგ (ასეთის არსებობის შემთხვევაში) 5 (ხუთი) სამუშაო დღის განმავლობაში;

მუხლი 8. მხარეთა უფლება-მოვალეობები

8.1. შემსყიდველს უფლება აქვს მიიღოს მიმწოდებლისაგან ჯეროვნად, კეთილსინდისიერად მიწოდებული საქონელი.

8.2. შემსყიდველი ვალდებულია გადაუხადოს მიმწოდებელს მიწოდებული საქონლის ფასი ხელშეკრულებით გათვალისწინებული პირობების შესაბამისად.

8.3. მიმწოდებელი ვალდებულია ჯეროვნად, კეთილსინდისიერად და დროულად მიაწოდოს შემსყიდველს საქონელი.

8.4. მიმწოდებელს უფლება აქვს მიწოდებული საქონლის სანაცვლოდ მიიღოს ხელშეკრულებით გათვალისწინებული თანხა.

მუხლი 9. მხარეთა პასუხისმგებლობა ხელშეკრულების პირობების შეუსრულებლობისათვის

9.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის (ან არაჯეროვნად შესრულების) შემთხვევაში, შემსყიდველი უფლებამოსილია დააკისროს მას პირგასამტეხლო ხელშეკრულების ფასის 0,2%-ის ოდენობით, შეუსრულებელი ვალდებულების ყოველი დღისათვის, რომელსაც მიმწოდებელი შემსყიდველს უხდის სახაზინო ანგარიშსზე ჩარიცხვის წესით, არაუგვიანეს 5 (ხუთი) სამუშაო დღის განმავლობაში;

9.2. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ ვადაგადაცილებულ დღეზე გადასახდელი თანხის 0,2%-ის ოდენობით;

9.3. საჯარიმო სანქციების გადახდა არ ათავისუფლებს არც ერთ მხარეს ძირითადი ვალდებულებების შესრულებისაგან;

9.4. იმ შემთხვევაში, თუ საჯარიმო სანქციების ჯამური ოდენობა შეადგენს ხელშეკრულების ფასის 5%-ს მხარეები უფლებამოსილნი არიან ცალმხრივად გაწყვიტონ ხელშეკრულება;

9.5. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების თანხის ღირებულების 5%-ის ოდენობით.

მუხლი 10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5. მხარე ვალდებულია რაიმე სახის გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

მუხლი 11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 12. დავები და მათი გადაწყვეტის წესი

12.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

მუხლი 13. სხვა პირობები

13.1. იურიდიული მისამართის ან/და საბანკო რეკვიზიტების შეცვლის შემთხვევაში მხარეები ვალდებული არიან 3 დღის ვადაში წერილობით აცნობონ ერთმანეთს ამის შესახებ.

მუხლი 14. საქონლის მიწოდებისა და ხელშეკრულების მოქმედების ვადა

14.1. საქონლის მიწოდება უნდა განხორციელდეს ხელშეკრულების გაფორმებიდან 2024 წლის -- _____ ჩათვლით პერიოდში;

14.2. საქონლის მიწოდების ადგილია: ბათუმი, დასახლება მწვანე კონცხი, ბათუმის ბოტანიკური ბაღი;

14.3. წინამდებარე ხელშეკრულება ძალაში შედის ხელშეკრულებაზე ბოლო კვალიფიციური ელექტრონული ხელმოწერის ან/და კვალიფიციური ელექტრონული შტამპის განთავსების დღიდან და მოქმედებს 202_ წლის -- _____ ჩათვლით.

მუხლი 15. განსაკუთრებული პირობები

15.1. ხელშეკრულება შედგენილია ქართულ ენაზე და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, ელექტრონული დოკუმენტის ყველა ეგზემპლარი ორიგინალია. ელექტრონულ დოკუმენტს არ შეიძლება ჰქონდეს ელექტრონული ასლი.

“შემსყიდველი”

ა(ა)იპ-„ბათუმის ბოტანიკური ბაღი“

საიდენტიფიკაციო კოდი: 245615963

მისამართი: ბათუმი, დასახლება მწვანე კონცხი.

info@bbg.ge

ტელეფონი: (0422) 27 00 33

სახელმწიფო ხაზინა;

შემოსავლის სახაზინო კოდი: TRESGE22

ა/ა 740717520

„მიმწოდებელი“

შპს „_____“

საიდენტიფიკაციო კოდი: _____

იურ.მის: _____

ფაქტ.მის: _____

მობ: _____

სს "_____ ბანკი"

ბანკის კოდი: _____

ა/ა: _____

მიმწოდებელი:

შპს _____

დირექტორი _____

შემსყიდველი:

ა(ა)იპ-„ბათუმის ბოტანიკური ბაღი“ (ს/კ245615963)